

Песнь 1.

Ирмос, глас 2: Грядите лю́дие,/ по́йм песнь Христу Бо́гу,/ разделъшему море и наставльшему лю́ди,/ яже изведе из работы египетския,// яко просла́вился.

Катавасия, глас 8: Крест начертáв Моисей,/ впрямо жезлом Чермное пресе-чé,/ Израилю пешехо́дящу,/ тоже обратно фараоновым колесни́цам/ удáрив совокупí,/ вопреки написав непобедимое ору́жие.// Тем Христу поим Богу нашему, я́ко прославился.

Песнь 3.

Ирмос: Утверди́ нас в Тебе Го́споди,/ дрéвом умерщвлéй грех,/ и страх Твой// всади в сердца нас пою́щих Тя.

Катавасия: Жезл во образ та́йны приéмлется,/ прозябением бо предразсуж-даёт священника:/ неплодящей же прежде Цéркви,/ ныне процвете дрéво Крестá,// в держáву и утверждение.

Песнь 4.

Ирмос: Услы́шах, Господи,/ слух Твоего смотре́ния,// и прославих Тя Еди́не Человеколюбче.

Катавасия: Услы́шах, Го́споди,/ смотра́ния Твоего та́инство,/ разумéх дела Твоя// и просла́вих Твоё Божество́.

Песнь 5.

Ирмос: Сеннописанный мрак гадáний разорíв,/ и вёрных прибытием и́стины,/ Богоотроковицею озарíв сердца́,// и нас светом Твоим Христе, на-ста́ви.

Катавасия: О треблаже́нное дрéво,/ на немже распяся Христос, Цáрь и Гос-по́дь,/ Имже паде дрéвом прельсти́вый:/ тобою прельсти́вся,/ Богу пригвоз-дívшуся плóтию,// подающему мир душáм нашим.

Песнь 6.

Ирмос: Ко Го́споду от кита Ио́на возопí:/ Ты́ мя возведи из глубины ада мо-лю́ся,/ да яко Избавителю во гласе хвалéния,// истины же Духом пожру́ Тебе.

Катавасия: Воднаго зверя во утрóбе,/ длани Иона крестовíдно распростéр,/ спасительную страсть проображаше я́ве./ Тем триднёвен изше́д,/ премирное воскресение прописа́ше,/ плóтию пригвожденнаго Христа Бо́га,// и триднев-ным воскресением мир просвéщшаго.

Кондак, глас 4:

Иоаким и Анна поношения безчáдства,/ и Адáм и Ева от тли смертныя свобо-
дистася Пречíстая,/ во святем рождествé Твоём./ То прáзднуют и лю́дие
Тво́й,/ вины прегрешений избáвльшеся,/ внегда́ зва́ти Ти́:// неплоды раждает
Богородицу, и питательницу жизни на́шея.

Песнь 7.

Ирмос: Купина на горе огнеопáльная, и росоно́сная пещь халде́йская,/ яве
предписа Тя Богоневéсто,/ Божественный бо Невещественный в веществен-
нем чрэве, огонь неопально прияла еси./ Темже из Тебе Рóждшемуся поём://
благословен еси Боже отец на́ших.

Катавасиа: Безумное велéние/ мучителя злочестиваго лю́ди поколебá,/ ды-
шущее прещение и злохуление богомёрзкое:/ обаче три отроки не устрази
ярость звёрская,/ ни óгнь снадáй,/ но противодышущу росоносному Дúху,/
со огнем суще по́яху:// препетый отцев и нас Бóже, благословéн еси.

Песнь 8.

Ирмос: В пещи́ отрочестей прообразил еси́ иногда́/ Твою́ Мáтерь Гóсподи,/
образ же Сия из огня изымаше, неопально входящая./ Юже поем явльшуюся
Тобою концём днёсь, // и превозносим во вся вéки.

Катавасиа: Благословите, óтроцы,/ Троицы равночíсленнии,/ содетеля Отца
Бóга,/ пойте снизшедшее Сло́во,/ и огонь в рóсу претвóршее,/ и превозносите
всем жизнь подава́ющаго, // Духа Всесвята́го, во вéки.

На 9-й песни Честнейшую не поем, прежде же ирмоса и тропарей, припев сей поем: Величай душе моя,/ преславное рождество Божия Матере.

Песнь 9.

Ирмос: Яже прежде солнца светильника Бога возсия́вшаго,/ плóтски к нам
пришédшаго/ из боку Девичу неизреченно воплотívшая, // благословенная
Всечистая, Тя Богородице велича́ем.

Другий припев: Величай, душе моя,/ от неплодове рождшуюся Деву Марию.

Катавасиа, с припевы праздника: Таин еси, Богорóдице, рай,/ невозделанно
возрастívший Христа́,/ Имже крестное живоносное на земли насадися
дрéво,/ тем ныне возносíму // поклоняющеся ему Тя величаем.

И другой: Снедию древа роду прибывшая смерть, крестом упразднися днесь:
ибо праматерняя всеродная клятва разрушися, прозябением Чистыя Богома-
тере, Юже вся силы небесныя величают.